





641407

第六一册

四庫全書

●上海古籍出版社



本冊目次

書 纂 言

元吳澄撰……………一

書集傳纂疏

元陳櫟撰……………二〇一

讀書叢說

元許謙撰……………四四九

書傳輯錄纂註

元董鼎撰……………五三一

卷

首

欽定四庫全書

經部
書纂言

詳校官監察御史臣查善長

通政使司副使臣莫瞻菴覆勘

覆校官中書臣孫梅

校封官修撰臣吳錫齡

騰錄舉人臣章玉輅

欽定四庫全書

經部二

書纂言

書類

提要

臣等謹案書纂言四卷元吳澄撰澄有易纂言已著錄是編其書解也古文尚書自貞觀初作正義以後終唐世無異說宋吳棫作書坪傳始稍稍掇摭朱子語錄亦疑其偽然言性言心言學之語宋人據以立教者其端皆

欽定四庫全書

書纂言
提要

發自古文故亦無肯輕議者其考定今文古文自陳振孫尚書說始其分編今文古文自趙孟頫書古今文集注始其專釋今文則自澄此書始自序謂晉世晚出之書別見於後然此四卷以外實未釋古文一篇朱彞尊經義考以為權詞其說是也考漢代治尚書者伏生今文傳為大小夏侯歐陽三家孔安國古文別傳都尉朝庸生胡常自為一派是今

文古文本各為師說澄專釋今文尚為有合
於古義非王柏詩疑舉歷代相傳之古經肆
意刊削者比惟其顛倒錯簡皆以意自為且
不明言所以改竄之故與所作易纂言體例
迥殊是則不可以為訓讀者取所長而無效
所短可矣乾隆四十二年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

易纂言
提要

書今文

虞書

堯典

皋陶謨

夏書

禹貢

甘誓

商書

欽定四庫全書

易纂言
目錄

湯誓

盤庚

高宗彤日

西伯戡黎

微子

周書

牧誓

洪範

康誥

酒誥

金縢

大誥

君奭

多方

立政

梓材

欽定四庫全書

書卷十
目錄

召誥

洛誥

多士

無逸

顧命

呂刑

文侯之命

費誓

秦誓

欽定四庫全書

書卷十
目錄

二三略以其意屬讀而已夫此二十八篇伏生

口授而鼂錯以意屬讀者也其間闕誤顛倒固

多然不害其為古書也漢魏四百年間諸儒所

治不過此耳當時以應二十八宿蓋不知二十

八篇之外猶有書也至晉梅賾始增多伏生書

二十五篇稱為孔子壁中古文鄭冲授之蘇愉

愉授梁柳柳之內兄皇甫謐從柳得之而柳又

以授臧曹曹授賾賾遂奏上其書今攷傳記所

引古書見於二十五篇之內者如鄭玄趙岐韋昭王肅杜預皆指為逸書則是此二十五篇漢魏晉初諸儒魯末之見也故今特出伏氏二十八篇如舊為漢儒所傳確然可信而晉世晚出之書則別見于後以俟後之君子擇焉

書古文

虞書

堯典第一

欽定四庫全書

古書

四

舜典第二 同今文

堯典慎徽五典以下孔疏曰東晉梅賾上孔傳時以慎徽五典為舜典之初隋開皇初購求遺書有人言蕭齊建武四年姚方興於大航頭得孔氏傳言古文舜典有曰若稽古帝舜曰重華協于帝濬哲文明溫恭允塞玄德升聞乃命以位在慎徽五典之上方興上之未及施行而以罪僂隋既購得此本遂增入二十八字

皋陶謨第四 同今文篇首增曰若稽古

益稷第五 分今文皋陶謨帝曰來禹以下

大禹謨第三

夏書

禹貢第一 同今文

甘誓第二

五子之歌第三

胤征第四

欽定四庫全書

古書

五

商書

湯誓第一 同今文

盤庚上第九

盤庚中第十一 分今文盤庚作以下

盤庚下第十一 分今文盤庚既遷以下

高宗彤日第十五 同今文

西伯戡黎第十六

微子第十七

仲虺之誥第二

湯誥第三

伊訓第四

太甲上第五

太甲中第六

太甲下第七

咸有一德第八

說命上第十二

欽定四庫全書

書
目錄

六

說命中第十三

說命下第十四

周書

牧誓第四

洪範第六

金縢第八

大誥第九

康誥第十一

酒誥第十二

梓材第十三

召誥第十四

洛誥第十五

多士第十六

無逸第十七

君奭第十八

多方第二十

欽定四庫全書

書
目錄

七

立政第二十一

顧命第二十四

康王之誥第二十五 分今文顧命王出在應門

之內以下

呂刑第二十九 同今文

文侯之命第三十

費誓第三十一

秦誓第三十二

泰誓上第一

泰誓中第二

泰誓下第三

武成第五

旅獒第七

微子之命第十

蔡仲之命第十九

周官第二十二

欽定四庫全書

古書
目錄

君陳第二十三

畢命第二十六

君牙第二十七

周命第二十八

右書二十五篇晉梅賾所奏上者所謂古文書

也書有今文古文之異何哉最錯所受伏生書

以隸寫之隸者當世通行之字也故曰今文魯

共王壞孔子宅得壁中所藏皆科斗書科斗者

蒼頡所制之字也故曰古文然孔壁真古文書

不傳後有張霸偽作舜典汨作九共九篇大禹

謨益稷五子之歌胤征湯誥咸有一德典寶伊

訓肆命原命武成旅獒罔命二十四篇目為古

文書漢藝文志云尚書經二十九篇古經十六

卷二十九篇者即伏生今文書二十八篇及武

帝時增偽泰誓一篇也古經十六卷者即張霸

偽古文書二十四篇也漢儒所治不過伏生書

欽定四庫全書

古書
目錄

九

及偽泰誓共二十九篇爾張霸偽古文雖在而

辭義無鄙不足取重於世以售其欺及梅賾二

十五篇之書出則凡傳記所引書語諸家指為

逸書者收拾無遺既有證驗而其言率依於理

比張霸偽書遼絕矣析伏氏書二十八篇為三

十三雜以新出之書通為五十八篇并書序一

篇凡五十九篇有孔安國傳及序世遂以為真

孔壁所藏也唐初諸儒從而為之疏義自是漢

世大小夏侯歐陽氏所傳尚書止有二十九篇者廢不復行惟此孔傳五十八篇孤行於世伏氏書既與梅賾所增混淆誰復能辨竊嘗讀之伏氏書雖難盡通然辭義古奧其為上古之書無疑梅賾所增二十五篇體製如出一手采集補綴雖無一字無所本而平緩卑弱殊不類先漢以前之文夫千年古書最晚乃出而字畫略無脫誤文勢略無齟齬不亦大可疑乎吳才老曰增多之書皆文從字順非若伏生之書詰曲贅牙夫四代之書作者不一乃至一人之手而定為二體其亦難言矣朱仲晦曰書凡易讀者皆古文豈有數百年壁中之物不訛損一字者又曰伏生所傳皆難讀如何伏生偏記其所難而易者全不能記也又曰孔書至東晉方出前此諸儒皆未見可疑之甚又曰書序伏生時無之其文甚弱亦不是前漢人文字只似後漢末

人又曰小序決非孔門之舊安國序亦非西漢文章又曰先漢文字重厚今大序格致極輕又曰尚書孔安國是魏晉間人作托孔安國為名耳又曰孔傳并序皆不類西漢文字氣象與孔叢子同是一手偽書蓋其言多相表裏而訓詁亦多出小爾雅也夫以吳氏及朱子之所疑者如此顧澄何敢質斯疑而斷斷然不敢信此二十五篇之為古書則是非之心不可得而昧也故今以此二十五篇自為卷裹以別於伏氏之書而小序各冠篇首者復合為一以真諸後孔氏序并附焉而因及其所可疑非澄之私言也聞之先儒云耳

欽定四庫全書

書纂言卷一

元 吳澄 撰

書者史之所紀錄也從事從者聿古筆字以筆畫成文字載之簡冊曰書者諧聲伏羲始畫八卦黃帝時蒼頡始制文字凡通文字能書者謂之史人君左右有史以書其言動堯舜以前世質事簡莫可改詳孔子斷自堯舜以後史所紀錄定為虞夏商周四代之書初蓋百篇遭秦焚滅挾書有禁漢興禁猶未除舊學之士皆已老死文帝時詔求天下能治書者惟有濟南伏生一人年九十餘遣掌故晁錯即其家傳受僅得二十八篇武帝時河內女子獻偽秦誓一篇得附二十八篇之列元成間東萊張霸作偽舜典等二十四篇其書不行東晉豫章內史梅賾增多伏生書二十五篇又於二十八篇內分出五篇共五十八篇上送於官遂與漢儒歐陽氏大

欽定四庫全書

卷一

欽定四庫全書

卷一

小夏侯氏三家所治伏生之書並唐初尊信承用命儒臣為五十八篇作疏因此大顯而三家之書廢今澄所註止以伏生二十八篇之經為正

虞書

虞舜氏因為有天下之號虞書虞史所記也堯典

堯唐帝名典說文云冊在几上尊閣之也載

事於簡冊度而藏之書府以傳永久故曰典以其所載可為常法故又訓常此篇蓋舜崩之後虞史紀舜之行事然以舜徵庸攝位皆在堯時故追紀堯之行事以該初終一篇並載二帝之事不名舜典而曰堯典者統于尊也伏生書此篇止名堯典梅賾始分慎微五典以下為舜典陳振孫曰孟子所引二十有八載放勳乃祖落之文曰堯典則知古無舜

典也

曰若稽古帝堯曰放勳欽明文思安安允恭克讓光被四表格于上下

曰粵越通唐以前隸書本曰作粵曰若者發語辭猶周書越若來三月也稽考也放勳堯號放至也猶放乎四海之放勳功也言堯之功勳無所不至也義農黃帝數聖人皆有功於生民而堯之功大孔子稱堯巍巍乎其有成功故堯崩之後以放勳號之也史將

欽定四庫全書

書集古
卷一

三

叙堯事先言攷古之帝堯沒而號曰放勳者其德如下文所云也欽仁敬也明聖智也文身儀之外著思心官之中主安自然然而無所勉強也允信也恭莊肅也克能也讓謙遜也常人偽恭而不實欲讓而不能堯信疑信作性之者是以信恭能讓也光德盛而有光輝也被及也四四方也表外格至上天下地也言盛德光輝充滿六合極其廣遠也

克明俊德以親九族九族既睦平章百姓百姓昭明協

和萬邦黎民於變時雍

明明之也俊大也聖人氣清質美性之全體無所污壞故其德之大非常人所及也以用也親愛之也九族高祖至玄孫之親也既盡睦和也平均齊普徧之意章亦明之也平章謂均齊普徧無一不明之也下文平秩平在做此百姓畿內之民昭明明能其明德也協合也和和之使不乖戾也協和合諸侯而皆和之也萬邦天下諸侯之國黎黑也謂黑首之民於歎

欽定四庫全書

書集古
卷一

四

辭變變化時是雍和也堯能自明其大德推以齊家治國平天下而家齊國治天下平也

乃命羲和欽若昊天歷象日月星辰敬授人時

羲和重黎之後司天之官也若順也昊天廣大也歷以推算度數氣朔象以窺測躔次晷景日陽精一日遠地一匝月陰精一月與日一會星二十八宿及衆經星東七宿角亢氐房心尾箕北七宿斗牛女虛危室壁西七宿奎婁胃昂畢觜參南七宿井鬼柳星張翼

軫東七宿象龍西七宿象虎皆南首而北尾北七宿象龜蛇南七宿象鳥皆西首而東尾辰天之壤無星處皆是而因日月所會分為十二次會子辰曰壽星卯曰大火寅曰析木丑曰星紀子曰玄枵亥曰娵訾戌曰降婁酉曰大梁申曰實沈未曰鶉首午曰鶉火巳曰鶉尾授謂頒布于有司俾遵而行之也人時謂耕獲蠶績之候凡民事早晚所關如下文東作南訛西成朔易之節候也孔疏曰據堯身而言用臣故云

欽定四庫全書

書經

五

乃命非時雍之後方始命之程子曰克明俊德至時雍言治身以至平天下治之道也乃命羲和至咸熙言分職順時事則治之法也而事之最大最先在天道時令萬事無一不體于此故先詳載其事聖人治天下惟此二端作典者述堯之治盡于此矣

分命羲仲宅嵎夷曰暘谷寅賓出日平秩東作日中星

鳥以殷仲春厥民析鳥獸孳尾

分別也宅居也或曰度也嵎夷東裔之地禹貢屬青

州暘明也日出而天下明故曰暘谷寅敬賓迎也出日初出之日也于東方迎日之出而識其景出卯中則為春分也平秩一切皆秩也東謂立春以後東方木王之時作發生也一一次序春時萬物發生之節候也日晝之晷也中猶半也日與夜平分而得其半也星謂中星初昏時見于南方正午之位者也鳥南方朱鳥之星其辰鶉火其宿則星也殷中也仲春之中謂春分也厥其也析分也老壯分析而居壯者出就田廬老者留居邑宅也孳乳化也尾交接也為將乳化而交接也

欽定四庫全書

書經

六

申命羲叔宅南交平秩南訛敬致日永星火以正仲夏厥民因鳥獸希革

申重也南交南裔交趾之地南謂立夏以後南方火王之時訛化也一一次序夏時萬物化育之節候也致推極也周官冬夏致日是也於南方推極日中之景至午中而短極則為夏至也火東方蒼龍之星其

辰大火其宿房心也正謂陽至此極得陽之正仲夏之正謂夏至也因孔註謂老弱因就在田之丁壯以助農是也希疏也革皮膚也膚革希疏猶是錯言疏理也

分命和仲宅西曰昧谷寅餞納日平秩西成宵中星虛以殷仲秋厥民夷鳥獸毛毳

西西裔之地漢志天水郡有西縣昧暗也日入而天下暗故曰昧谷餞送也納日方入之日也於西方送

欽定四庫全書

卷一

七

日之入而識其景入酉中則為秋分也西謂立秋以後西方金王之時成收熟也一一次序秋時萬物收熟之節候也宵夜之晷也中者夜與日平分而得其半也虛北方玄武之星其辰玄枵宿則虛也仲秋之中謂秋分也夷平也老壯平分老者歸邑而壯者在田也毛毳毛落更生潤澤鮮好也

申命和叔宅朔方曰幽都平在朔易曰短星昴以正仲冬厥民隤鳥獸氄毛

朔方北裔之地北謂之朔者取月朔之義前月之終

後月之始明盡而復生謂朔北方陰盡于中陽起于

中亦猶月之朔也日行至此淪于地中萬象幽冥故

曰幽都在存察之意朔謂立冬以後朔方水王之時

易改更之也一一詳察冬時歲物改更之節候也冬

不言秩而言在終始之交宜詳察也日短晝晷最短

也晷音留星在天之酉位字從邪舊音卯者非西方

白虎之星其辰大梁宿則昴也陰至此極得陰之正

欽定四庫全書

卷一

八

仲冬之正謂冬至也隤隈也老壯皆居邑宅就隈隤

溫暖之處以避寒也氄毛細毛也毛理細密猶是錯

言密理也乃命總命義和也就義和之內分別之義

掌春夏和掌秋冬故言分命又就義之內和之內重

分之既命其仲復命其叔故言申命堯命四時之官

明天時以授人時而其要在於度日景日晷驗初昏

中星以定二分二至而已蓋分至定則四時之節候

皆不差矣蘇氏曰岵夷南交西朔方乃四極之地以

日景定分至而後歷可起必驗之四極非常宅也朱子曰推測日景之處寅實是寅其出寅錢是錢其入敬致是致其中北方無日故不說東作南訛西成朔易謂節候也林氏曰仲春日在卯入酉昏時鶉火見晝五十刻夜五十刻是爲春分之氣仲夏日在星入辛初昏大火見晝六十刻夜四十刻是爲夏至之氣仲秋日在心入酉初昏虛星見晝五十刻夜五十刻是爲秋分之氣仲冬日在虛入申初昏昂星見晝四十刻夜六十刻是爲冬至之氣馬氏曰星鳥以象言星火以次言虛昂以宿言互相備也朱子曰堯時冬至日在虛昏中昴月令冬至日在斗昏中壁中星古今不同者蓋天有三百六十五度四分之度之一而有餘歲有三百六十五日四分日之一而不足天平運而舒日內轉而縮天漸差而西歲漸差而東唐一行所謂歲差者是也古歷簡易未立差法但隨時占候脩改以與天合東晉虞喜始以天爲天以歲爲歲乃

時成歲

立差法以追其變約以五十年退一度何承天以爲太過乃倍其年而又不及至隋劉焯取二家中數爲七十五年蓋近之而未精密也澄案唐開元大衍歷以八十三年差一度宋紀元歷以七十八年差一度然久亦與天違今授時歷不立差法但日夜占候以求合於天

帝曰咨汝義暨和椿三百有六旬有六日以閏月定四

咨者嗟嘆而命之也暨及也椿猶周也前冬至距後冬至周匝一歲也有又通旬十日也三百六旬有六日者一歲三百六十五日四分日之一微弱而交次年節氣也不言五日四分日之一而言六日舉成數也閏月者氣盈朔虛所積之餘日也天周圓三百六十五度四分之度之一其行至健繞地左旋一日一周而又過一度日行少遲繞地左旋一日適得一周而不過比之天則爲不及一度月行尤遲繞地左旋一

日將近一周而不及比之天則為不及十三度十九分度之七若依四分厯法分一日為九百四十分則日之行積三百六十五日二百三十五分而與天會是為一歲之氣月之行積二十九日四百九十九分而與日會是為一月之朔一歲十二朔通計三百五十四日三百四十八分一歲有十二月一月有三十日積日凡三百六十者一歲之正數也日與天一會而過三百六十之數故多五日二百三十五分謂之

欽定四庫全書

卷一

上

氣盈月與日十二會而不及三百六十之數故少五日五百九十二分謂之朔虛合氣盈朔虛之積一歲得十日八百二十七分二歲得二十一日七百一十四分三歲得三十二日六百有一分以二十九日四百九十九分置第一閏尚餘三日百有二分四歲并上所餘得十三日九百二十九分五歲得二十四日八百一十六分六歲得三十五日七百有三分置第二閏尚餘六日二百有四分七歲并上所餘得十七

日九十一分八歲得二十七日九百一十八分九歲得三十八日八百有五分置第三閏尚餘九日三百有六分十歲并上所餘得二十日一百九十三分十一歲得三十一日八十分置第四閏尚餘一日五百一十一分十二歲并上所餘得十二日四百有八分十三歲得二十三日二百九十五分十四歲得三十四日一百八十二分置第五閏尚餘四日六百二十三分十五歲并上所餘得十五日五百一十分十六歲得二十六日三百九十七分十七歲得三十七日二百八十四分置第六閏尚餘七日七百二十五分十八歲并上所餘得十八日六百一十二分十九歲得二十九日四百九十九分置第七閏無餘是為一章失一閏則春之季月入夏夏之季月入秋秋之季月入冬冬之季月入春失二閏則春之仲季入夏夏之仲季入秋秋之仲季入冬冬之仲季入春失三閏則春皆入夏夏皆入秋秋皆入冬冬皆入春而四時

欽定四庫全書

卷一

上